

ekonomskog koda 600000 odobrava se izdvajanje sredstava u iznosu od 100,00 KM na razdjel 11, glava 01, potrošačka jedinica 0001 - Kabinet premijera, na ekonomski kod otvaranjem pozicije: Nov 614300 - Tekući transferi neprofitnim organizacijama - Udruženja oboljelih.

II  
Za realizaciju ove odluke zadužuju se Ministarstvo finansija Kantona Sarajevo i Kabinet premijera.

III  
Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23925-2/21

04. juna 2021. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 69. vanrednoj sjednici održanoj 04.06.2021. godine, donijela je

**ODLUKU  
O DAVANJU SAGLASNOSTI NA KONSULTANTSKI  
UGOVOR IZMEĐU KANTONA SARAJEVO -  
MINISTARSTVA KOMUNALNE PRIVREDE,  
INFRASTRUKTURE, PROSTORNOG UREĐENJA,  
GRAĐENJA I ZAŠTITE OKOLIŠA I KONZORCIJA  
I.D.E..A D.O.O. SARAJEVO I EMNA D.O.O. SARAJEVO,  
U OKVIRU PROJEKTA "ENERGIJSKA EFIKASNOST  
U JAVNIM OBJEKTIMA KANTONA SARAJEVO"**

Član 1.

Daje se saglasnost na Konsultantski Ugovor između Kantona Sarajevo - Ministarstva komunalne privrede, infrastrukture, prostornog uređenja, građenja i zaštite okoliša i konzorcija I.D.E..A d.o.o. Sarajevo i EMNA d.o.o. Sarajevo, u okviru Projekta "Energijska efikasnost u javnim objektima Kantona Sarajevo" (u daljem tekstu: Projekat).

Član 2.

Ugovor iz člana 1. ove odluke, u vrijednosti od 70.000 EUR (ekv. 136.908,10 KM), odnosi se na uslugu osiguranja kvaliteta detaljnih energetskih audita i reviziju projektnu dokumentaciju za odabrane javne objekte sa konačne Liste javnih objekata, koju je usvojila Vlada Kantona Sarajevo.

Član 3.

Sredstva iz člana 2. ove odluke obezbijedila je Evropska banka za obnovu i razvoj u okviru granta za tehničku pomoć za implementaciju Projekta, za što je prethodno potpisan Ugovor o grantu (tehnička pomoć) između Evropske banke za obnovu i razvoj i Kantona Sarajevo - Ministarstvo komunalne privrede, infrastrukture, prostornog uređenja, građenja i zaštite okoliša, na koji je saglasnost dala Vlada Kantona Sarajevo Odlukom broj 02-04-23511-12/21 od 03.06.2021. godine.

Član 4.

Ovlašćuje se ministar komunalne privrede, infrastrukture, prostornog uređenja, građenja i zaštite okoliša Kantona Sarajevo Enver Hadžiahmetović, da potpiše Ugovor iz člana 1. ove odluke (dokument se potpisuje na engleskom jeziku, ali je obezbijeden i zvanični prevod istog na lokalni jezik).

Član 5.

Za realizaciju odluke zadužuje se Ministarstvo komunalne privrede, infrastrukture, prostornog uređenja, građenja i zaštite okoliša, Ministarstvo finansija, te Jedinica za implementaciju Projekta Vlade Kantona Sarajevo.

Član 6.

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-23925-1/21

04. juna 2021. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 19. stav (1) alineja 3), 21. stav (4) i (5), 22, 23. i člana 30. stav (1) i (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09, 44/10 i 30/16) i Poglavlja II tačke 3. i 4. Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija ("Službene novine Kantona Sarajevo", broj 10/11 i 07/19), Vlada Kantona Sarajevo, na 69. vanrednoj sjednici održanoj 04.06.2021. godine, donijela je

**ODLUKU  
O ZADUŽENJU KANTONA SARAJEVO ZA KREDIT U  
IZNOSU DO 5.500.000 KM**

I

Kanton Sarajevo (u daljem tekstu: Kanton) zadužuje se dugoročnim kreditom kod Razvojne banke Federacije Bosne i Hercegovine (u daljem tekstu: Banka) u iznosu do 5.500.000 KM, u formi direktnog unutrašnjeg duga.

II

Kreditna sredstva iz tačke I ove odluke namijenjena su za finansiranje sljedećih kapitalnih projekata, a prema članu 4. Budžeta Kantona Sarajevo za 2021. godinu ("Službene novine Kantona Sarajevo", broj 05/21), i to:

Subanalitika	OPIS	Iznos zaduženja (KM)
	Ministarstvo za odgoj i obrazovanje Kantona Sarajevo	2.000.000
LAX055	Subfinansiranje izgradnje osnovne škole na Šišuju	1.500.000
LAX0B9	Nabavka opreme za osnovnu školu na Šišuju	500.000
	Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo	3.500.000
YAU024	Stambeni razvoj	3.500.000
	<b>UKUPNO</b>	<b>5.500.000</b>

III

Kreditna sredstva Banka odobrava pod sljedećim uslovima:

- ukupan iznos kredita do 5.500.000 KM
- rok otplate do 12 godina
- grace period do 1 godine (uključen u rok otplate)
- kamatna stopa 2,50% na godišnjem nivou
- provizija Banke 0,30% jednokratno, od iznosa odobrenog kredita

IV

Zaduženje se vrši uz poštovanje odredbi člana 7. Zakona o dugu, zaduživanju i garancijama u Federaciji Bosne i Hercegovine i u okviru ograničenja duga utvrđenog Zakonom o izvršavanju Budžeta Kantona Sarajevo za 2021. godinu.

V

Ugovor o kreditu, između Kantona i Banke, kao i instrumente osiguranja kredita koji proizilaze iz ugovora potpisat će ministar finansija Kantona.

## VI

Sredstva za servisiranje kredita iz tačke I ove odluke, obezbijedit će se u budžetima Kantona svake godine, za cijeli period trajanja obaveze.

## VII

Kanton će izdati bjanko ovjerene i potpisane mjenice sa ovlaštenjem za popunu kao instrument obezbjeđenja kredita, a u skladu sa ugovorom iz tačke V ove odluke.

## VIII

Tehnički dio projekata koji će se finansirati iz ovog kredita realizovat će Ministarstvo za odgoj i obrazovanje Kantona i Ministarstvo komunalne privrede, infrastrukture, prostornog uređenja, građenja i zaštite okoliša Kantona.

## IX

Za implementaciju projekata i praćenje realizacije ove odluke zadužuju se Ministarstvo za odgoj i obrazovanje Kantona, Ministarstvo komunalne privrede, infrastrukture, prostornog uređenja, građenja i zaštite okoliša Kantona i Ministarstvo finansija Kantona, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona o realizaciji kredita.

## X

Najkasnije u roku od 30 dana od dana zaduženja ministar finansija Kantona će Vladi Kantona dostaviti izvještaj o nastaloj obavezi.

## XI

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23925-4/21

04. juna 2021. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 29. stav (2), a u vezi sa članom 31. Zakona o ustanovama ("Službeni list RBiH", br. 6/92, 8/93 i 13/94), Vlada Kantona Sarajevo, na 26. sjednici održanoj 03.06.2021. godine, donijela je

## ODLUKU

**O DAVANJU SAGLASNOSTI V. D. UPRAVNOM ODBORU JAVNE USTANOVE "BIBLIOTEKA SARAJEVA" ZA RAZRJEŠENJE V. D. DIREKTORICE JAVNE USTANOVE "BIBLIOTEKA SARAJEVA"**

## I

Daje se saglasnost v. d. Upravnom odboru Javne ustanove "Biblioteka Sarajevo" da Emiru Marić - Jašarević razriješi dužnosti v. d. direktorice Javne ustanove "Biblioteka Sarajevo", zbog isteka mandata.

## II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23511-17.1/21

03. juna 2021. godine

Sarajevo

Po ovlaštenju premijera

Ministar

Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 29. stav (2), a u vezi sa članom 31. Zakona o ustanovama ("Službeni list RBiH", br. 6/92, 8/93 i 13/94), Vlada Kantona Sarajevo, na 26. sjednici održanoj 03.06.2021. godine, donijela je

## ODLUKU

**O DAVANJU SAGLASNOSTI V. D. UPRAVNOM ODBORU JAVNE USTANOVE "BIBLIOTEKA SARAJEVA" ZA IMENOVANJE V. D. DIREKTORA JAVNE USTANOVE "BIBLIOTEKA SARAJEVA"**

## I

Daje se saglasnost v. d. Upravnom odboru Javne ustanove "Biblioteka Sarajevo" da imenuje Narcisa Saračevića na dužnost v. d. direktora Javne ustanove "Biblioteka Sarajevo" na period od imenovanja direktora, a najduže šest (6) mjeseci od dana njegovog imenovanja.

## II

Ova odluka stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02-04-23511-17.2/21

03. juna 2021. godine

Sarajevo

Po ovlaštenju premijera

Ministar

Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 95. Zakona o osnovnom odgoju i obrazovanju ("Službene novine Kantona Sarajevo", broj 23/17, 33/17, 30/19 i 34/20), Vlada Kantona Sarajevo, na 26. sjednici održanoj 03.06.2021. godine, donijela je

## ODLUKU

**O DAVANJU SAGLASNOSTI ZA IMENOVANJE DIREKTORICE JAVNE USTANOVE OSNOVNA ŠKOLA "MUSA ĆAZIM ĆATIĆ" SARAJEVO**

## I

Daje se saglasnost Školskom odboru Javne ustanove Osnovna škola "Musa Ćazim Ćatić" Sarajevo, da se Fatima Prohić, mr. odgojnih nauka, imenuje za direktoricu Škole.

## II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23511-19/21

03. juna 2021. godine

Sarajevo

Po ovlaštenju premijera

Ministar

Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 29. stav (2), a u vezi sa članom 31. Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na 26. sjednici održanoj 03.06.2021. godine, donijela je

## ODLUKU

**O DAVANJU SAGLASNOSTI V. D. UPRAVNOM ODBORU JAVNE USTANOVE "POZORIŠTE MLADIH SARAJEVO" ZA RAZRJEŠENJE V. D. DIREKTORA JAVNE USTANOVE "POZORIŠTE MLADIH SARAJEVO"**

## I

Daje se saglasnost v. d. Upravnom odboru Javne ustanove "Pozorište mladih Sarajevo" da razriješi Ismira Fazlića dužnosti v. d. direktora Javne ustanove "Pozorište mladih Sarajevo", zbog okončanja konkursne procedure za imenovanje direktora.